

O D L U K A
O PRIHVATANJU SPORAZUMA O SREDSTVIMA ZAJMA IZMEĐU KRALJEVINE
ŠPANIJE ZASTUPANE PO INSTITUTO DE CREDITO OFICIAL I BOSNE I
HERCEGOVINE ZASTUPANE PO MINISTARSTVU FINANSIJA I TREZORA ZA
FINANSIRANJE PROJEKTA IZGRADNJE POSTROJENJA ZA PREČIŠĆAVANJE
OTPADNIH VODA U ŠIROKOM BRIJEGU

Na osnovu člana 40. Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, br. 86/07, 24/09 i 44/10), Parlament Federacije Bosne i Hercegovine, na sjednici Predstavničkog doma održanoj 19. 5. 2011. godine i na sjednici Doma naroda održanoj 16. 6. 2011. godine, donio je

O D L U K U
O PRIHVATANJU SPORAZUMA O SREDSTVIMA ZAJMA IZMEĐU KRALJEVINE ŠPANIJE ZASTUPANE PO INSTITUTO DE CREDITO OFICIAL I BOSNE I HERCEGOVINE ZASTUPANE PO MINISTARSTVU FINANSIJA I TREZORA ZA FINANSIRANJE PROJEKTA IZGRADNJE POSTROJENJA ZA PREČIŠĆAVANJE OTPADNIH VODA U ŠIROKOM BRIJEGU

I

Prihvata se zaduženje Federacije Bosne i Hercegovine (u daljem tekstu: Federacija) po Sporazumu o kreditu između Bosne i Hercegovine i Kraljevine Španije, u iznosu od 1.800.000,00 EUR-a, za realizaciju Projekta izgradnje postrojenja za prečišćavanje otpadnih voda Široki Brijeg.

II

Sredstva kredita iz tačke I ove Odluke koristiće se za finansiranje Projekta izgradnje postrojenja za prečišćavanje (tretman) otpadnih voda u Širokom Brijegu po sistemu „ključ u ruke“. Cilj Projekta je izgradnja postrojenja i nabavka opreme čime bi se postigla veća efikasnost u tretmanu otpadnih voda na području Općine Široki Brijeg.

III

Sredstva kredita iz tačke I ove Odluke, odobravaju se Federaciji pod sljedećim uslovima:

- iznos zajma..... 1.800.000,00 EUR
 - rok otplate..... 19 godina
 - grace period..... 6 godina
 - kamatna stopa..... 1,95%
 - dospjeća.....polugodišnje, u jednakim otplatama glavnice
 - jednokratna administrativna naknada na ukupni iznos zajma.....0,05 %
 - troškovi za neiskorištena sredstva..... 0,05%
- (u toku perioda povlačenja sredstava)

IV

Potvrđuje se da je razmatrana dokumentacija prihvatljiva za Federaciju, a posebno:

- Sporazum o sredstvima zajma između Kraljevine Španije zastupane po Instituto de Credito Oficial i Bosne i Hercegovine zastupane po Ministarstvu finansija i trezora.

V

Kreditna sredstva iz tačke I ove Odluke Federacija prenosi na kreditnom osnovu na Općinu Široki Brijeg.

U periodu implementacije Projekta, u Budžetu Federacije nije potrebno osigurati finansijska sredstva za dodatno sufinansiranje Projekta.

VI

Zadužuje se Federalno ministarstvo finansija da sa Općinom Široki Brijeg usaglasi i sklopi odgovarajući Podugovor o kreditu kojim će, u svrhu redovne otplate, definisati uslove vraćanja sredstava koja se prenose na kreditnom osnovu.

VII

Daje se saglasnost za zaključivanje Supsidijarnog sporazuma o kreditu između Bosne i Hercegovine i Federacije i Podugovora o kreditu između Federacije i Općine Široki Brijeg za kredit iz tačke I ove Odluke.

Za potpisivanje Supsidijarnog sporazuma i odgovarajućeg Podugovora o kreditu ovlašćuje se federalni ministar finansija.

VIII

Za realizaciju ove Odluke i izvještavanje zadužuje se Federalno ministarstvo finansija, Općina Široki Brijeg, svako u okviru svoje nadležnosti.

IX

Implementacija Sporazuma iz tačke I ove Odluke ne zahtijeva donošenje novih ili izmjenu postojećih zakona.

X

Ova Odluka stupa na snagu narednog dana od dana objavljivanja u „Službenim novinama Federacije BiH“.

**PREDSJEDAVAJUĆA
DOMA NARODA
PARLAMENTA FEDERACIJE BiH**

Karolina Pavlović

**PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH**

Denis Zvizdić